

**ԳՐԱԲԱՐԻ ՍՏՈՐԱԴԱՍԱԿԱՆ ԵՂԱՆԱԿԻ ԲԱՅԱԶԵՎԵՐԸ
Գ.ՆԱՐԵԿԱՑՈՒ «ՄԱՏԵԱՆ ՈՂԲԵՐԳՈՒԹԵԱՆ» ՊՈԵՄՈՒՄ**

Գրաբարի ստորադասական եղանակը հին հայերենի բայական համակարգի ամենահետաքրքիր եղանակներից մեկն է և մշտապես մնում է քերականների ուշադրության կենտրոնում՝ պայմանավորված իմաստագործառական այն առանձնահատկություններով, որոնք բնութագրական են այս եղանակի բայածների: Ստորադասական եղանակի բայածների ըմբռնումը հայ քերականության պատմության մեջ եղել է տարակերպ¹, որովհետև նրանց բնորոշ է քերականական բազմիմաստությունը մի կողմից և ստորադասական եղանակի առաջին և երկրորդ ապառնիների՝ նույն եղանակաժամանակային իմաստներով գործառությունը մյուս կողմից: Նրանք կազմվում են ներկայի և անցյալ կատարյալի հիմքերից և անշուշտ պետք է ունենային իմաստագործառական առանձնահատկություններ, որոնց անդրադարձը կատարվել է հայ քերականագիտության մեջ²:

Լեզվաբանները տարբեր մոտեցում են ունեցել առաջին և երկրորդ ապառնիների եղանակային առանձնահատկությունների նկատմամբ: Երկրորդ ապառնին մի խումբ լեզվաբանների կարծիքով սահմանական եղանակի ժամանակածն է. նույնիսկ միևնույն հեղինակի մոտ է այս խնդիրը տարբեր լուծումներ ստացել: Այսպես Մ.Աբեղյանը «Գրաբարի համառոտ քերականութիւն» աշխատության մեջ այն դնում է սահմանականի մեջ³, իսկ «Գրաբարի քերականութիւն» աշխատության մեջ այն համարում է ստորադասական եղանակի ժամանակածն⁴: Ս.Ղազարյանը «Գրաբարի դասագրքում» այն դնում է սահմանականի մեջ, իսկ «Հայոց լեզվի համառոտ պատմության» մեջ՝ ստորադասականի մեջ⁵: Ստորադասական եղանակի յուրաքանչյուր բայածն ուներ հնարավոր երեք քերականական իմաստ՝ ըղծական, պայմանական, հարկադրական ապառնի, ինչպես նաև սահմանական ապառնու իմաստ, որ բնորոշ էր ստորադասական երկրորդ ապառնու բայածներին: Գրաբարով գրող յուրաքանչյուր հեղինակի գրչի տակ գրաբարի բայական հարացույցի

բայաձևերը ոչ միայն հին հայերենի եղանակաժամանակային համակարգի օրինաչափությունների կրողներ և դրսևորողներ էին, այլև լեզվաոճական որոշակի մթնոլորտ էին ստեղծում՝ պայմանավորված նյութի բովանդակությամբ և գրողի անհատականությամբ⁶:

Լեզվաոճական առանձնահատկությունների տեսակետից Նարեկացու «Մատենան ողբերգութեան» պոեմը մի այնպիսի ստեղծագործություն է, որի յուրաքանչյուր գլխում, ենթագլխում, տողում անգամ ակնհայտ լեզվական օրինաչափությունների կողքին սպասելի են բայաձևերի իմաստա-գործառական այնպիսի իրողություններ, որոնք հատուկ կարող էին լինել միայն Նարեկացու աստվածատուր գրչին:

Ստորադասական եղանակի բայաձևերը Նարեկացու «Մատենանին» բնորոշ են, քանզի «պոեմի վեհ ու վերամբարձ բովանդակությամբ համապատասխան» նրա լեզուն ևս պետք է լիներ «ճոխ ու վսեմ»⁷:

Պոեմում ակնհայտ է ստորադասական երկրորդ ապառնու բայաձևերի գերակշռությունը առաջին ապառնու բայաձևերի համեմատությամբ: Ստորադասական եղանակի բայաձևերը գործածված են տարբեր իմաստներով, որոնց քննությունը կներկայացնենք ստորև: Նարեկացին մտքի և սրտի ամենաբուռն հուզմունքով է գրում յուրաքանչյուր տողը: Բարդ է մարդու ինքնաճանաչման, իր մեղսունակության գիտակցման, դրանից ազատվելու և ինքնամաքրման այն ճանապարհը, որ ուղղված է դեպի Լույսը, Անեղծը, դեպ Աստված: Ուստի տիրապետող պետք է լինի ըղձական ապառնու իմաստով ստորադասական երկրորդ ապառնու բայաձևերի գործածությունը: Նրանք այս իմաստով կիրառված են ըղձական խոսքում, երկբայական և հարցական նախադասություններում:

«Եւ արդ, յայս պատկառելի խոնարհութենէ արարչակերտս խորհրդոյ

Ամաշեստ՝ սատանայ ի գործս չարեաց իւրոցն հրեշտակաց,

Տանօեստի՝ եւ հաւածեստի՝

Հեռացեալ եւ արտաքս առաքեալ» (357)⁸

(Սովորաբար ըղձական ապառնու բայաձևերի թարգմանությունը ուղեկցվում է թող բառով⁹):

երկբայական նախադասություններն ուղեկցվում են թեոևս, գուգտ բառերով:

«Թերևս գոեսգէ ինձ ամենագետն» (328)

Գուգտ առ մմին խզեալ համառաւ տ

Ձվրիծակն իրաւանց մահուն հասելոյ,

Յորմէ ընտրութիւնն ապագործ եղեալ՝

Ձսահմանն յաւիտենական քակտեսգէ» (349)

Հարցական նախադասություններում այս իմաստով գործածության դեպքում ակնհայտ է հռետորական հնչերանգը.

Եւ արդ, զո՞ր լաւտնեցոց

Եւ յաղագս ո՞յց նշանակեցոց

Եւ վասն ո՞րպիսեաց ճառեցոց

Եւ զո՞րքան ծածկեալս մերկացուցից

Եւ կամ վասն որո՞ց խոստովանեցայց... (353)

Հարցական խոսքն ուղեկցվում է հարցում արտահայտող տարբեր բառերով . զիա՞րդ, ո՞րպէս, ընդէ՞ր են:

«Եւ զիա՞րդ ասացոց...

Եւ ի՞բր անուանեցաւց...

Եւ որպէ՞ս կոչեցաւց...

Եւ ընդէ՞ր համբաւեցաւց...

Կամ որո՞վք գուգայց...» (326):

Ստորադասական երկրորդ ապառնու բայածները ղղձական ապառնու իմաստով գործածված են ոչ միայն նախադասության թելադրանքով, այլև նախադասության կառուցվածքի պահանջով:

Ամենատարածված կիրառությունը պայմանական խոսքում նրանց գործածությունն է, որոնցում ստորադասականի բայածները հանդես են գալիս թէ, եթէ շաղկապներով սկսվող երկրորդական նախադասության ստորոգյաների պաշտոնում.

«Եթէ եւգեն ինձ բարեպարիշտք ընծայիլ սովաւ

Ընկալ՝ կենդանեաւք վասն քո, գթած, եւ զիս ընդ նոսա» (257):

Եթէ վտանգ մահու անձնական ցաւոց զոք աաշառեսգէ.

Գտցել փրկութիւն սովաւ առ ի յոյս կենաց՝

Յաղաթելն առ քեզ, կեցուցիչ»(258):

Այս գործածութիւնները կարող են ընդգրկել ամբողջ գլուխներ, օրինակ՝ ժՅ գլխի Բ ենթագլուխը, ուր պայմանի պարագա երկրորդականները սկսվում են քէ շաղկապով.

«Թէ դիւաց չարաց մատնեսցես,

Թէ գազանաց ժանեաւք մաքոնեսցես,

Թէ հողմով ցասման հոսնեսցես...

Վկայեմ անծամբ անծին՝ յոյժ պարտական գոլ սոցա »(316-317)

Ինչպես երևում է օրինակներից, գլխավոր նախադասութիւններին ստորոգյալներն ունեն բազմակերպ արտահայտություն. ընկալ (հրամայականի բայածևը՝ հրամայականի իմաստով), գտցել (երկրորդ ապառնու բայածևը՝ ըղծական ապառնու իմաստով), վկայեմ (ներկայի բայածևը՝ պայմանական ապառնու իմաստով):

Նարեկացու պոեմում ակնհայտ է սահմանական ներկա ժամանակի բայածևերի լայն կիրառությունը ստորադասական ապառնու զանազան իմաստներով¹⁰: Սա մեկնաբանվում է նրանով, որ գրաբարի ներկայի բայածևերի՝ ստորադասականին բնորոշ իմաստներով գործածություններն այնքան հաճախադեպ էին, որ հիմք էին հանդիսանալու XII դարում արդեն այդ բայածևերի գլխավոր քերականական իմաստների փոփոխության և ըղծական եղանակի ձևավորման¹¹: Մյուս կողմից Նարեկացին ակնհայտորեն դիմել է ձևերի բազմազանության՝ բանաստեղծական խոսքի թելադրանքով: Այսպես Իէ գլխի Ը ենթագլխում ըղծական ապառնու իմաստով գործածվել է ստորադասական առաջին ապառնու յոթ բայածև, երկրորդ ապառնու տասը բայածև և ներկայի յոթ բայածև, և ներկայի քսանչորս բայածև գործածված է պայմանական և հարկադրական ապառնիների իմաստով, որոնք հետևանքի իմաստ արտահայտող գլխավոր նախադասության ստորոգյալի պաշտոնում են հանդես գալիս.

«Եթէ հայեսցիս... կողկողիմ,

Եթէ լուիցես՝ հռառչեմ,

Եթէ անսայցես՝ աղերսեմ,

Եթէ ներեսցես՝ աղաչեմ...»(351-352)

Հաճախադեպ են նպատակի պարագա երկրորդական նախադասություններում ստորադասական երկրորդ ապառնու գործածությունները. նրանք սկսվում են գի, ոռաեսգի շաղկապներով.

«Վասն այնորիկ գրեցի առանց խնայելոյ,

Զի դու առատապէս ջնջեսցես արինեալ»(355)

«Յանդիմանեցից զիս ինքն ինձէն...

...Որպէս զի յանձնառական յայսմ...

...Միանգամայն իսպառ սորեսցալց արինեալ հրամանաւ էիդ»(374)

Ժամանակի պարագա երկրորդականներում նույնպես գործածվում է ստորադասական երկրորդ ապառնին՝ ըղծական ապառնի իմաստով.

«Վայ ինձ առ ճեպ տագնապի ահի պակուցման,

Յորժամ առագաստին մուտն վախեսցի»(274):

«Մատեան ողբերգութեան» պոեմում ստորադասական երկրորդ ապառնու բայածները հաճախ են հանդիպում հրամայականի իմաստով:

Այս իմաստով կիրառությունները ևս ունեն իրենց որոշակի ոճական արժեքն այնքանով, որ նրանք գործածվում են հրամայական եղանակի բայածների հետ, օրինակ՝ ժք գլխում Գ ենթագլխին սկսվում է հրամայականի բայածներով, և միայն վերջին հինգ տողն է կառուցվում ստորադասական երկրորդ ապառնու բայածներով, որոնք գործածված են հրամայական եղանակի իմաստով.

«Ամրացո՛ք աջովդ զհանգստեան խշտի.

Մաքոեսցես ի խաղբից գծածկարան անկողնոյս,

Պահեսցես քո կամաւքդ զտառապեալ անձն ոգւոյս,

Անխարդախ առասցես զքո շնորհեալ շունչ մարմնոյս»(291)

Սրան հաջորդող գլխին ամբողջությամբ կառուցվում է հրամայականի բայածներով: Կամ ժէ գլխի Ա ենթագլխում արգելական հրամայականներից հետո ավարտվող միտքն արտահայտվում է ստորադասականի բայածնով՝ «Ահ՝ ուժգնապէս վառեսցիս առ հողս»(307):

Եիշտ է նկատել Վ.Առաքելյանը, որ «երկրորդ ապառնին Նարեկացու մոտ գործ է ածվում իբրև հորդորական հրամայական»¹²: Այս բայածները

խոսքին հաղորդում են մեղմ շեշտվածություն, որի լավագույն օրինակն է նրանց գործածությունը ԿԶ գլխի Գ ենթագլխում (տասնհինգ բայածև):

Հաճաճախադեպ են ստորադասական երկրորդ ապառնու բայածևերը գործածությունները հարկադրական ապառնու իմաստով.

«Եւ արդ, զի՞նչ օտոծեսցես անծն իմ կորուսեալ

Կամ ու՞ր թաթիսես , կամ զիա՞րդ ապրեսցիս.

Կամ ո՞րպէս եւցես ի մեղացոյ բանտէ,...»(275)

Կամ՝

«...Խոստովանեալ՝ քեզ տաղածեցից աստված իմ եւ տէր...»(279)

Հետաքրքիրն այն է ,որ այս մտքին նախորդում է ներկայի բայածևով արտահայտված գործողություն, որ ընկալվում է հարկադրական ապառնու իմաստով, ապա աստիճանաբար գալիս է մտքի խտացում, թվարկվող գործողությունների աստիճանական իմաստային սաստկացում, և այդ ամբողջը արտահայտելու համար հեղինակը որոշակի արվեստով է օգտագործում գրաբարի բայածևերը՝ ներկայի բայածևերից հետո անցնում է ստորադասական երկրորդ ապառնու բայածևերի. բոլորն էլ ընկալվում են հարկադրական ապառնու իմաստով:

Ստորադասական եղանակի բայածևերի իմաստային նրբերանգների համար էական դեր է կատարում Նարեկացիական ոգին. հատկապես նախադասության բովանդակությամբ թելադրված կառույցներում տվյալ բայածևի գործածությունը հարկադրական, ըղձական ու պայմանական ապառնիների իմաստներով պայմանավորվում է ասելիքի խտացման աստիճանով: Տիրապետող են ըղձական և հարկադրական ապառնու իմաստով գործածությունները:Պայմանական ապառնու իմաստով կիրառությունները ևս պայմանավորված են նախադասության բովանդակությամբ և կառուցվածքով:

«... Այնպէս ալուեսցին մեղաւորք ի բորբոքեալ բոցոյն»(493):

Կամ՝ «Թէ՛ Մահ հովուեսցէ զոսոս»(493):

Բնականաբար ամենատարածված կիրառությունը պայմանական խոսքում նրանց գործածությունն է իբրև գլխավոր նախադասության ստորոգյալ: Այսպիսի լավագույն օրինակ է ԿԶ գլխի Ե ենթագլուխը, ուր ստորադասական երկրորդ ապառնու բայածևերը գործածված են երկրորդական նախադա-

սության մեջ՝ ըղծական ապառնու, իսկ գլխավորում՝ պայմանական ապառնու իմաստներով:

«Եթե մուլեցի գվստահութիւն ձեռինս կապել...

Ձնա չարչարեալ ըմբերանեցէ»(509-510):

Այս գլխում ըղծական ապառնու իմաստով գործածված է ստորադասական երկրորդ ապառնու տասը բայածև և ստորադասական առաջին ապառնու մեկ բայածև: իսկ պայմանական ապառնու իմաստով գործածված է ստորադասական երկրորդ ապառնու տասներեք և ներկայի՝ մեկ բայածև:

Հետևանքի իմաստ արտահայտող գլխավոր նախադասություններում ստորադասական երկրորդ ապառնու բայածևերն արտահայտում են ոչ միայն պայմանական ապառնու իմաստ, այլև հրամայականի («Եթե գրեցի եւ ի փրկութիւն կարգեցի հաղորդելոցն յայս կիրս կենաց, Առասցես կամաւք քո, աւրինեալ, եւ ինձ համարեալ»(257) և ըղծական ապառնու իմաստներ («Եթե ամայի ի գզուշութենէ պահողացն ոք դեգերեցի. Սպասեսցէ սովիմբ առ ի նոյն դարձ նորոգողիդ»(258)):

Ստորադասական երկրորդ ապառնու բայածևերը գործածվում են նաև սահմանական ներկայի իմաստով, երբ խոսքը դառնում է խաղաղ. չկան պոռթկումներ, այլ կա հանգիստ զրույց: Սրանք հանդիպում են «Աստվածաշնչից» կատարված մեջբերումներում: «Ըստ բանին Յորայ, ի կամս հաւատարիմս, Որ սասանես գերկիր եւ զսիւսն նորին ի հիմանց... Դիւրապէս ունել կամ թողուլ դոյնապէս գաւոնեսցես »(497):

Այս իմաստով այն հիմնականում գործածվում է ներկայի բայածևերի հետ: Կառույցների մի մասում երկրորդ ապառնու բայածևը ընկալվում է ներկայի կամ պայմանական ապառնու իմաստով,

«Յուցեր մարգարէին, թէ՝ Զաւրինութիւնս ստասցի, որ զաւրէնս դնէ»(501). (Օրինություն է ստանում (կստանա)նա , ով հաստատուն է): Ստորադասական առաջին ապառնու բայածևերի գործածությամբ Նարեկացին քիչ է դիմում: Նրանք հանդես են գալիս իմաստագործառական այն առանձնահատկություններով, որոնք բնորոշ էին երկրորդ ապառնու բայածևերին:

«Նուիրեցի՝ վասն իմ այսու մատենիս պաղատանք նոցին,
եւ բանիւ այսու հեծութիւն նոցին ընդ իմ խնկեցի,

Ընդ համբոյր ճաշակման այսր ողբերգութեան՝

Շնորհ լուսոյ քո մտեալ քնակիցէ»(257):

«Ո՞վ է, որ ձգիցէ զձեռն իւր յածեալ տեառն եւ քալեսցի»(631)

«Եթէ ի մոխիր երկրի թաւալել ձեռն քերիցէ

Երեսացն աստուծոյ ի նոյն մածուցումն զնա հերքեսցէ»(509)

Նարեկյան յուրաքանչյուր տողը գրված է աստվածային ոգեշնչումով, և բնական է, որ Նարեկացու հոգու և մտքի թռիչքը արտահայտող քերականական համագործակցություններ էին պետք, ձևեր, որոնք նույնքան ինքնաբերական պետք է լինեին, որքան ապաշխարանքի եկող, ինքնամաքրման միջոցով դեպի Աստվածային մաքրությունը ձգտող մարդու հույզերը կարող էին թելադրել: Ահա թե ինչու այդ հույզերի արտահայտման համար քերականական ոչ մի սահմանափակում չկա. գրաբարը հանդես է գալիս իր եղանակաժամանակային ձևերի ողջ հարստությամբ: Ի՛նչ գլխի Դ ենթագլխում հեղինակը ստորադասական երկրորդ ապառնու բայաձևերի հետ պայմանական և հարկադրական ապառնի-ների իմաստների արտահայտման համար գործածել է իցէ + անորոշ դերբայով կառույցները, որոնք որոշակի հնչերանգ են տալիս խոսքին. «Իցէ՛ արդեւք տեսանել... Իցէ՛ ական ունել... Արդեւք տեսի՛ց... Իցէ՛ արդեւք թէ տեսից... ևն»(341):

Ստորադասական առաջին և երկրորդ ապառնիների բայաձևերը «Մատեան ողբերգութեան» պոեմում հանդես են եկել հետևյալ հաճախականությամբ. ըղծական ապառնու իմաստով գործածված է ստորադասական երկրորդ ապառնու 568 բայաձև և առաջին ապառնու 36 բայաձև, հարկադրական ապառնու իմաստով՝ ստորադասական երկրորդ ապառնու 101 բայաձև և առաջին ապառնու 10 բայաձև, պայմանական ապառնու իմաստով՝ ստորադասական երկրորդ ապառնու 106 բայաձև և ստորադասական առաջին ապառնու 8 բայաձև և հրամայականի իմաստով՝ ստորադասական երկրորդ ապառնու 125 բայաձև և ստորադասական առաջին ապառնու 8 բայաձև: Ինչպես երևում է վիճակագրությունից¹³, ստորադասական երկրորդ ապառնու բայաձևերը ամհամեմատելիորեն գերակշռող են, և նրանց՝ ըղծական ապառնու իմաստով գործածությունների այդպիսի հաճախականությունը պայմանավորված է նյութի բովանդակությամբ և բանաստեղծական խոսքի պահանջներով:

Նարեկացին միևնույն եղանակաժամանակային իմաստի արտահայտման համար բայածնի ընտրության հարցում ազատ է ու անկաշկանդ:

Ծանոթագրություններ

1. Տես Յ.Ավետիսյանի «Գրաբարի ստորադասական եղանակը և նրա ըմբռնումը հայ քերականության պատմության մեջ» հոդվածը: Բանբեր Երևանի համալսարանի, հ. I, Ե, 1985թ., էջ 199-204:
2. Տես՝ նշված հոդվածը, ինչպես նաև «Հայոց լեզվի պատմական քերականություն» հ. II, Ե, 1972թ. էջ (308-324):
3. Մ. Աբեղյան, Գրաբարի համառոտ քերականութուն, Վաղարշապատ, 1907թ., էջ 21:
4. Մ. Աբեղյան, Գրաբարի համառոտ քերականություն, Ե, 1936թ., էջ 28:
5. Ս. Ղազարյան, Գրաբարի դասագիրք, Ե, 1951թ., էջ 66, «Հայոց լեզվի համառոտ պատմություն», Ե, 1981թ. էջ 111-115: Մանրամասները տես Յ.Ավետիսյանի՝ նշված հոդվածում:
6. Տես՝ Ա. Յուզբաշյան «Գրաբարի սահմանական եղանակի ներկա ժամանակի բայածները և նրանց ձևագործառական հետազազարգացումը» Ե, 2000թ., էջ 21-50:
7. Մ.Մկրյան, Գրիգոր Նարեկացի, Ե, 1955թ., էջ 241:
8. Սկզբնաղբյուր՝ «Գրիգոր Նարեկացի, Մատենան ողբերգութեան», Ե., 1985թ.:
9. Օգտագործված է Վազգեն Գևորգյանի թարգմանությունը. «Գրիգոր Նարեկացի, Մատյան ողբերգության» ,Ե., 1979թ.:
10. Տես՝ Ա.Յուզբաշյան, «Գրաբարի սահմանական եղանակի ներկա ժամանակի բայածները և նրանց ձևագործառական հետազազարգացումը» Ե, 2000թ., էջ 45:
11. Տես՝ Ա.Յուզբաշյան, նշված աշխատության 45, 58-67 էջերը:
12. Վ. Առաքելյան, Գրիգոր Նարեկացու լեզուն և ոճը, Ե, 1975թ., էջ 169:
13. Այն բայածները, որ ընկալվում են մի քանի իմաստներով, վիճակագրության մեջ չենք մտցրել: